

Bókasafn Mosfellsbæjar

Ársskýrsla 2006

Bókasafn Mosfellsbæjar
Kjarna Þverholti 2, 270 Mosfellsbæ
S:566-6822 og 566-6860
Netfang: bokasafn@mos.is
Veffang: www.mos.is/bokasafn

Marta Hildur Richter forstöðumaður
Bókasafni Mosfellsbæjar

Bókasafn Mosfellsbæjar er almenningsbókasafn sem þjónar einstaklingum og stofnunum í Mosfellsbæ. Safnið er rekið af Mosfellsbæ og samkvæmt lögum um almenningsbókasöfn nr. 36/1997. Listasalur Mosfellsbæjar er einnig hluti af Bókasafninu.

Markmið og hlutverk almenningsbókasafna byggjast á 1. grein laga um almenningsbókasöfn nr. 36/1999:

“Almenningsbókasöfn eru upplýsinga- og menningarstofnanir. Hlutverk þeirra er að veita fólki, bæði börnum og fullorðnum, greiðan aðgang að fjölbreyttum bókakosti og öðrum miðlunargögnum, þar á meðal tölvubúnaði og upplýsingum á tölvutæku formi. . Þau skulu efla frjálstan og óheftan aðgang almennings að upplýsingum og þekkingarmiðlum. Söfnin skulu hvert á sínu þjónustusvæði kappkosta að vera menningarstarfi og atvinnulífi til styrktar og hafa tiltækar upplýsingar fyrir almenning um opinberar stofnanir og þjónustu. Markmið þeirra skal vera að efla íslenska tungu, stuðla að símenntun og örva lestraráhuga. Allir landsmenn skulu eiga kost á að njóta þjónustu almenningsbókasafna. Er öllum sveitarfélögum skylt að standa að slíkri þjónustu í samræmi við þessi lög.”

Ársskýrsla 2006

Árið 2006 var mikill og ánægjulegur erill í Bókasafni Mosfellsbæjar og Listasalnum. Bæði aðsóknar- og útlánamet voru slegin á árinu. Þetta var fyrsta heila starfsárið eftir flutninga í nýtt húsnæði og starfsemin því komin í eins fastar skorður og æskilegt er. Samstarf við stjórnendur bæjarins var gott og styðjandi að vanda.

Afgreiðslutími

Afgreiðslutími bókasafnsins er frá 12-19 mánud. – föstud. og 12-15 á laugardögum allt árið. Aðgengi er að lesaðstöðu, dagblöðum og almenningstölvum með Internetaðgangi frá kl. 08 virka daga. Upplýsingar eru gefnar í síma frá kl. 08 virka daga. Foreldramorgnar eru á miðvikudögum og tekið á móti grunnskólanemum og leikskólabörnum samkvæmt fyrirfram bókuðum tímum fyrir hádegi virka daga.

Listasalurinn er opin á afgreiðslutíma safnsins, en opnanir myndlistarsýninga og viðburðir alls konar ná yfirleitt fram yfir þann tíma.

Landskerfi bókasafna – Gegnir

5. febrúar 2005, sama dag og safnið var opnað eftir flutninga, var Gegnir - Landskerfi bókasafna tekinn formlega í notkun í Bókasafni Mosfellsbæjar eftir mikla undirbúningsvinnu. Starfsmönnum og lánþegum hefur gengið einstaklega vel að aðlagast nýju safni og nýju kerfi. Nýi Gegnir býður upp á mikla möguleika. Viðskiptavinir safnsins geta nú m.a. skoðað gagnagrunn safnsins úr hvaða tölvu sem er sem tengd er Internetinu og einnig geta þeir skoðað eigin útlánastöðu.

Aðsókn og útlán

Starfsemin hefur blómstrað í hinu nýja safni. Aðsókn og útlán eru mjög góð og fara vaxandi.

Heimsóknir

Heimsóknir í safnið (rafræn skráning heimsókna hófst 1. júní 2005).

Ekki er talið það rennsli sem kemur gegnum Þjónustuver og um sér inngang í Listasal sunnanmegin:

Mán.	Heimsóknir á mánuði 2006 (2005)	Meðaltal á dag	Laugardagar Heild	Meðalt. á ld.
janúar	4.212	201	755	151
febrúar	3.955	197	452	113
mars	5.939	283	648	162
apríl	4.307	215	1.028	257
maí	5.448	259	1.036	259
júní	4.804 (4.119)	222	258	86
júlí	4.522 (4.283)	185	370	74
ágúst	4.695 (4.580)	214	388	97
september	4.616 (4.051)	189	208	52
október	5.369 (4.635)	221	304	76
nóvember	5.055 (5.051)	209	280	70
desember	5.773 (6.125)	214	784	196
Alls	58.695	218	6.511	133 = 65.206

Heildarheimsóknir árið 2006 : 65.206 (56.200)

Alls 15% aukning milli árána 2005 og 2006

Meðaltal á mánuði: 5.434

Meðaltal á dag: 218 virka daga + meðaltal laugard.:133

Útlán

(sjá einnig fylgiskjal: Útlán 1985-2006):

Safngögn eru í margbreytilegu formi. Bækur, hljóðbækur, tímarit, dagblöð, tónlistardiskar, margmiðlunardiskar, tölvuleikir fyrir börn, DVD og myndbönd.

	Heildarútlán á mánuði		Meðaltal útlána á dag mánud. – laugard. (opið 12- 19 virka daga og 12-15 laugardaga)	
	2006	(2005)	Virkir dagar	laugard.
janúar	6.487	(2.885 flutningar.)	277	97
febrúar	5.872	(4.275)	276 (225)	87
mars	6.672	(5.915)	266 (246)	143
apríl	5.861	(5.579)	329 (223)	150
maí	5.707	(5.303)	255 (213)	87
júní	6.633	(5.312)	306 (213)	71
júlí	6.767	(5.651)	301 (226)	90
ágúst	6.558	(6.193)	285 (238)	76
september	6.333	(5.913)	283 (228)	78
október	6.958	(6.201)	297 (239)	78
nóvember	6.411	(6.509)	271 (250)	114
desember	5.474	(5.834)	261 (244)	104
Heildarútlán	75.733	(67.792)	Meðaltal 284	100

Heildaraukning útlána milli áranna 2005 og 2006 = 11%

Þar sem gögnum er skilað í samsvarandi magni má segja að um 570 safngögn séu á ferðinni daglega inn og út úr safninu.

Bókasafn Mosfellsbæjar tekur þátt í að greiða fyrir aðgang landsmanna að stafrænum gagna- og greinasöfnum um vefinn á hvar.is og Vefbókasafn.is.

Á hvar.is sóttu landsmenn, þar með taldir Mosfellingar, alls 867.421 greinar eða gagnasöfn í fullri lengd.

Bókasafn Mosfellsbæjar tekur þátt í að reka Vefbókasafnið, en það heimsóttu 209.474 landsmenn á árinu þar með taldir Mosfellingar.

Fleiri viðskiptavinir sjálfbjarga

Viðskiptavinir safnsins geta fengið sérstakt aðgangsnúmer að kerfinu og fylgst með viðskiptum sínum við safnið í tölvu heima hjá sér. Þannig geta þeir endurnýjað lán tvisvar gegnum tölvu ef gagnið er ekki pantað. Einnig er boðið upp á endurnýjun í gegnum síma. Almennigur hefur tileinkað sér þessa tækni í auknum mæli, og hefur einnig almennt meiri þekkingu en áður til að bjarga sér meira innan safnsins upp á eigin spýtur.

Vegna þessa og hentugra húsnæðis og vegna hagræðingar og endurskipulagningar á vinnutíma starfsmanna, þurfti ekki að bæta við starfsfólki í upphafi.

Enn eykst aðsókn í bókasafnið, útlán aukast umtalsvert milli ára (11%) og aukin umsvif Listasalar og aðsókn í hann er umtalsverð og vaxandi. Sveitarfélagið verður einnig fjölmennara með hverju árinu. Það líður því óhjákvæmilega að því að bæta þurfi við stöðuhlutfalli.

Práðlaust net. Heitur reitur – Hot spot

Og Vodafone setti upp práðlaust net í bókasafninu. Inn á það tengjast tvær leitartölvur í Gegni, almenningstölvur safnsins og Skólavefstölva. Safngestir geta komið með sínar eigin tölvur og tengst Netinu endurgjaldslaust. Þetta hefur mælst vel fyrir, sérstaklega hjá námsmönnum. Einnig er hægt að fá aðgang að Netinu í almenningstölvum safnsins gegn vægu gjaldi.

Kaffi í tímaritahorni

Safnið hefur boðið safngestum upp á kaffisopa. Hefur það verið vel þegið. Vélin er staðsett við tímaritahillurnar og safngestir fá sér gjarnan kaffisopa meðan þeir kíkja í blöð og bækur.

Skólavefurinn og uppgröftur að Mosfelli

Sérstök tölva er opin inn á Skólavefinn, sem er fyrst og fremst ætlaður til kynningar fyrir grunnskólanemendur og foreldra þeirra.

Menningarmálanefnd gaf safninu sérstaka tölvu með frásögn af fornleifauppgröftrinum að Mosfelli í myndum og talmáli ásamt sögu staðar og sögunni af silfri Egils.

Barna- og unglíngastarf

Öll börn og unglíngar 18 ára og yngri fá skírteini endurgjaldslaust.

Eftir flutninga batnaði aðstaða til muna á öllum sviðum – bæði fyrir notendur og starfsmenn. Samstarf við leik- og grunnskóla var með miklum ágætum á árinu. Barna- og unglíngastarfið fór annars fram með hefðbundnum hætti - heimsóknir, sögustundir, safnkynningar og aðrir viðburðir. Sumarlestur var haldinn í fyrsta skipti og tókst mjög vel.

Leikskólar:

Sögustundir fyrir leikskólabörn voru 18 talsins. Í lok ágúst á hátíðinni “Í túninu heima” komu öll fjögurra ára börn bæjarins og sáu leikrit Möguleikhússins “Hattur og Fattur”. Í desember komu öll fimm ára börn bæjarins og sáu leikritið “Jólin hennar Jóru” í flutningi Stoppleikhópsins. Listasalurinn hefur gerbreytt framkvæmd svona uppákoma og hafa leikendur haft á orði að aðstaðan í salnum sé til fyrirmyndar.

Þar að auki komu leikskóladeildir, mest frá Huldubergi, í heimsókn að fá bækur að láni.

Grunnskólar:

6 ára börn (3 bekkir) Varmárskóla komu í heimsókn, lesin var saga og safnið kynnt. Börn í Frístundaseli Lágafellsskóla komu í samsvarandi heimsókn, fengu sögu og safnkynningu. Allir 3. bekkingar bæjarins, alls 6 bekkir, komu í safnkynningu og verkefnavinnu. 3. bekkingar vinna með skáldritin, kynna sér staðsetningu safnefnis og læra uppröðun. Hver bekkur dvelur í safninu í tvær kennslustundir.

Allir 4. bekkingar, alls 6 bekkir, komu í samsvarandi heimsóknir. Þeir vinna með fræðirit og læra að leita í tölvunni að safngögnum. Við þjónustum líka Klébergsskóla á Kjalarnesi og komu 4. bekkingar þaðan í safnkynningu.

Allir 5. bekkingar komu í rithöfundakynningu í mars. Sigrún Eldjárn las úr verkum sínum og útskýrði hvernig hún myndskreytir bækur. Afar áhugaverð heimsókn og í kjölfarið jókst útlán bóka um teikningar og myndskreytingar mikið.

Um haustið voru 6 ára bekkirnir heimsóttir í skólann. Börnin fengu stutta kynningu á safninu og boðsbref, þar sem þeim var boðið að koma í safnið og eignast þar sitt eigið lánþegaskírteini. En slík skírteini eru börnum og unglíngum að kostnaðarlausu til 18 ára aldurs.

Um vorið var farið með kynningu um sumarlesturinn í alla 2.,3. og 4. bekki. Sú kynning skilaði góðum árangri, þar sem 67 börn tóku þátt í þessum fyrsta sumarlestri Bókasafns Mosfellsbæjar.

Skemmtileg sýning grunnskólanema “Í fótspor meistaranna” í Listasal vakti mikla lukku. “Landsfundur Þallar, samtaka barnabókavarda, var með geysiöflugan fund í Grófarhúsi í maí. Umsjónarmaður barna- og unglíngastarfs Helga Stefánsdóttir sótti fundinn.

Þjónusta við eldri borgara

Allir 67 ára og eldri fá skírteini endurgjaldslaust.

Farið er með bækur og tímarit einu sinni í viku á Opið hús á Hlaðhömrum. Starfsmaður safnsins er þar í eina og hálf klukkustund, lánar út og tekur á móti safngögnum.

Bókmenntakvöld

Bókmenntakvöld var haldið 25. nóvember. Borðum og stólum var raðað upp á flísarnar með kertaljósum í kaffihússtíl. Gestum var boðið upp á kaffi, rauðvín, vatn eða gos og piparkökur. Rithöfundarnir sem lásu úr verkum sínum að þessu sinni voru:

Jón Atli Jónasson með Ballöðuna um Bubba, Auður Jónsdóttir með Tryggðarpant, Þórunn Valdimarsdóttir með Upp á Sigurhæðir og Bragi Ólafsson með Sendiherrann. Katrín Jakobsdóttir bókmenntafræðingur stýrði umræðum og beindi spurningum til rithöfundanna eftir að þeir höfðu lesið úr bókum sínum. Um 80 manns voru á þessu bókmenntakvöldi og þótti vel til takast. Vel heyrðist í rithöfundunum þegar þeir stóðu upp og lásu, en verr þegar þeir voru sestir og svöruðu spurningum. Til þess að lagfæra þetta hefur nú verið fjárfest í hátalarakerfi fyrir næstu bókmenntakynningu og aðra viðburði.

Þjónustan almennt

Þjónusta safnsins samræmist lögum um almenningubókasöfn og markmiðum safnsins. Allir eiga jafnan og greiðan aðgang að fjölbreyttum safnkosti í aðgengilegu húsnæði. Hægt er að komast á Internetið úr tölvum safnsins eða með því að tengja eigin tölvu gjaldfrítt þráðlausu neti safnsins.

Gegn framvísun eigin skírteinis er hægt að fá safngögn að láni: bækur, tímarit og tónlist og fræðslumyndir á DVD/myndböndum. Gegn vægu gjaldi fást leigðar valdar kvikmyndir og barnaefni á DVD/myndböndum.

Samningar veita Mosfellingum aðgang að safnkosti Borgarbókasafns og Bókasafni Seltjarnarness og er hægt að panta safngögn þáðan. Skírteini keypt í Bókasafni Mosfellsbæjar gildir einnig í Borgarbókasafni og Bókasafni Seltjarnarness. Með nýja kerfinu opnaðist leið fyrir lánþega að hafa yfirsýn yfir útlánastöðu sína og framlengja útlán gengum netið, allt að tvisvar sama safngagnið.

Safngestir geta sest niður víða í safninu, unnið verkefni eða kíkt í bækur, tímarit og dagblöð, skoðað sýningar og spjallað yfir kaffibolla.

Sérstök áhersla hefur verið lögð á þjónustu við börn og unglunga í samvinnu við grunn- og leikskóla bæjarins. Einnig er komið til móts við eldri borgara með útlánum á Opnu húsi að Hlaðhömrum.

Bókasafnið stóð fyrir bókmenntakynningum o.fl. uppákomum fyrir börn og fullorðna. Listasalurinn hefur einnig verið lánaður undir ýmsa menningarviðburði.

Í Listasal Mosfellsbæjar var boðið upp á margar myndlistarsýningar gjaldfrjálst. Einnig var boðið upp á tónleika á vegum bæjarins eða einstaklinga.

Upplýsingaþjónusta fyrir ferðamenn

Þessi málaflokkur heyrir undir stjórnisýslusvið og hefur verið nokkuð í lausu lofti undanfarin ár.

Á bókasafninu er vísir að upplýsingaþjónustu fyrir ferðamenn yfir sumartímenn. Þantaðir voru alls kyns bæklingar fyrir innlenda og erlenda ferðamenn. Bæklingarnir voru bæði á landsvísu og svo einnig bæklingar um ýmsa þjónustu við ferðamenn sem í boði er í bæjarfélaginu. Auk þess fengu ferðamenn aðgang að Internetinu á safninu og upplýsingar um gagnlegar vefslóðir t.d. um veður og færð.

Samvinna var við Þjónustuver Mosfellsbæjar m.a. við endurskoðun texta í ferðamannahandbókina Around Iceland 2006. Einnig var samvinna við endurskoðun bæklinga og Mosfellsbæjarkorts fyrir ferðamenn á íslensku og ensku. Heldur hefur það gengið hægt, en vonandi kemst kortið í notkun í maí 2007. Greinilegt að það þarf að marka einhverja stefnu í þessum málum og deila niður verkefnum og ábyrgð.

Starfsmenn

Í uphafi árs voru starfsmenn tíu í 5.35% stöðugildum auk ræstitækis í 50% starfi. Forstöðumaður var í 100% starfi og tveir bókasafnsfræðingar í 100% starfi hvor. Kennaramenntaður barnabókavörður var í 50% starfi og fjórir þjónustufulltrúar á bókasafni í hlutastörfum, þar af tveir námsmenn í 20% starfi hvor. Annar bókasafnsfræðingurinn hætti störfum um sumarið. Þar sem búið var að tengja safnkostinn við nýja Gegni var ekki talin þörf á að ráða aftur bókasafnsfræðing í þá stöðu að sinni. Umsvif Listasalarins hafa aukist all verulega. Því var ákveðið að ráða starfsmenn með listamenntun í stöðu bókasafnsfræðingsins og voru tveir slíkir ráðnir frá 1. september í 50% starfshlutfall hvor. Hefur þessi breyting gefist mjög vel. Þess skal getið að allir starfsmenn sinna afgreiðslu ásamt sérverkefnum sínum. Forstöðumaður Marta Hildur Richter fór 1. september í 75% launað námsleyfi í eitt ár til að stunda nám í opinberri stjórnisýslu við H.Í. Til þess að mæta því var ráðinn til viðbótar bókasafnsfræðingur til eins árs í 50% starfshlutfall og Helga Jónsdóttir tók við daglegri stjórnun safnsins.

Náms- og kynnisferð til Danmerkur og Svíþjóðar

Sjö starfsmenn fóru í náms- og kynnisferð til Danmerkur og Svíþjóðar 17.-21. maí. Skoðað var Borgarbókasafn Kaupmannahafnar og Þjóðbókasafnið – Svarti demanturinn. Farið var í heimsókn til bókasafnanna í Hvidovre og Óðinsvéum og H.C. Andersen safnið var skoðað. Loks var farið yfir til Malmö í Svíþjóð og skoðað glæsilegasta almenninga-bókasafn á Norðurlöndum, og þó víðar væri leitað. Skipulag ferðarinnar var gott og m.a. búið að hafa samband við söfnin og bóka móttökur. Fékkst því leiðsögn um söfnin og umræður um þjónustupætti safnanna og rekstur. Þótti ferðin takast afar vel og vera bæði fróðleg og skemmtileg.

Fundir og námskeið

Starfsmannafundir voru mánaðarlega á árinu og telja starfsmenn þá ómissandi. Þann 6. – 7. október fóru fimm starfsmenn á landsfund Upplýsingar á Selfossi. Landsfundir eru annað hvert ár og þykja afar gagnlegir og skemmtilegir. Þar hittast starfsmenn bókasafna úr öllum safnategundum og alls staðar að af landinu. Farið var á námskeið í notkun Gegnis og starfsmenn fóru á fleiri námskeið sem tengjast starfinu.

Starfsmannaviðtöl

Forstöðumaður tók starfsmenn í starfsmannaviðtöl númer tvö. Rædd voru ýmis mál og almennt virtust starfsmenn sáttir við aðstöðuna, aðra starfsmenn safnsins og sig sjálfa.

Listasalur Mosfellsbæjar

Listasalur Mosfellsbæjar var mjög ásetinn þetta ár. Hann hefur að stærstum hluta verið í umsjón Hlína Gylfadóttur og Gunnars Helga Guðjónssonar starfsmanna safnsins frá september 2006.

Nemendatónleikar Tónlistarskóla Mosfellsbæjar eru fastir liðir í starfsemi Listasalarins og hélt Tónlistarskólinn fjölda nemendatónleika í salnum bæði vor og haust.

Á vegum bæjarins voru haldnir alls kyns fundir í Listasal, svo sem kynningarfundir um skipulagsmál o.fl. og móttökur af ýmsu tagi, bæði erlendra og innlendra gesta.

Grunnskólanemar komu í safnkynningar bæði vor og haust sbr. kafla um barna- og unglíngastarf.

Vor 2006

Vegna forfalla listamanns sem hafði bókað sig í febrúar, var haldin sýning á listaverkum í eigu bæjarins. Valdar voru myndir úr nokkrum stofnunum bæjarins eftir 15 listamenn.

Ljósmyndasýningin *Litir landsins* var haldin 4.-24. mars. Sýningin var samsýning fimm áhugaljósmyndara. Þeir eru Baldur Birgisson, Hallsteinn Magnússon, Pálmi Bjarnason, Sigrún Kristjánsdóttir og Skúli Þór Magnússon.

Nemendur úr myndlistarvali í 9. og 10. bekk Varmárskóla sýndu afrakstur vinnu sinnar á sýningunni *Í fótspor meistaranna*. Sýningin stóð frá 7. – 25. apríl.

Um vorið héldu bæði Reykjalundarkórinn og Álafosskórinn tónleika í bókasafninu.

Hillustæður í miðju safnsins voru færðar til í bæði skiptin svo það skapaðist stórt rými í miðju safnsins og hljómaði vel.

Daginn áður hafði Glitnir 80 manna opinn fræðslufund um markaðsmál í Listasalnum.

4. maí opnaði Marissa Navarro Arason myndlistarkona sýningu sína *Sundrun*. Þetta voru skyggjur leystar upp í lifaflæði og óhlutbundin form. Sýningin stóð til 24. maí.

27. maí opnaði Þórdís Alda Sigurðardóttir myndlistarkona sýningu sína *S-Ö-G-U-P-R-Á-Ð-U-R*. Þórdís Alda sýndi lágmyndir úr vaxi, jární og textíl.

Kjarni fjölþjóða listahóps hélt sýninguna *Alþjóðleg sýn, International View 1.-9 júlí* í Listasalnum. Á sýningunni sýndu 13 listamenn frá fimm löndum. Hópurinn vann jafnframt að listsköpun í verkstæðisvinnu í Álafoskvosinni. Íslendingarnir sem sýndu og skipulögðu sýninguna voru: Hildur Margrétardóttir, Ólöf Oddgeirsdóttir, Kristín Geirsdóttir og Hlíf Ásgrímsdóttir.

Haust 2006

Haustdagskrá í Listasal Mosfellsbæjar hófst með afmælisýningu Mosfellsbæjar 9. ágúst með opnun samsýningar finnskra listamanna *Loimaa Area – Art*. Sýningin var á vegum menningarmálanefndar og stóð 9. – 27. ágúst.

25. ágúst var barnaleikritið Hattur og Fattur í flutningi Möguleikhússins í salnum fyrir öll 4 ára börn í samvinnu við leikskóla bæjarins. Alls mættu um 120 börn.

Kristjana Helgadóttir flautuleikari og Arnhildur Valgarðsdóttir píanóleikari héldu tónleika í tengslum við bæjarhátíðina *Í túninu heima*.

Ólafur Arnalds píanóleikari hélt ásamt þremur ungum strengjahljóðfæraleikurum tónleika þann 27. ágúst. Tónleikarnir voru einnig í tengslum við bæjarhátíðina.

Myndlistarsýning á verkum Sigfúsar Halldórssonar var 7. – 18. september. Tríó Reynis Sigurðssonar flutti mörg af þekktustu lögum Sigfúsar við opnun sýningarinnar á fæðingardegi hans þann 7. sept. undir heitinu *Sigfús í ljúfri sveiflu*.

Steinunn Marteinsdóttir opnaði myndlistarsýningu sína *Lifandi land – lifandi vatn* þann 23. sept. Útbúin var kaffiástaða í Bókasafninu fyrir sýningargesti og nemendur Tónlistarskólans léku á hljóðfæri. Sýningin stóð til 14. október.

Gréta Berg opnaði myndlistarsýningu sína *Grasakonan* 29. okt. Myndir sýningarinnar voru nátengdar slökunaraðferðum Grétu og bauð hún sýningargestum upp á slökun á laugardögum. Sýningunni lauk 11. nóv.

Myndlistarsýning Ólafar Oddgeirsdóttur, *Táknmyndir*, var 18. nóv. – 10. des. Sýningin samanstóð af teikningum unnum á pappír með blýanti og vatnslitum.

Öll fimm ára börn í leikskólum bæjarins mættu fimmtudaginn 7. desember á leikritið “Jólin hennar Jóru” í flutningi Stoppleikhópsins. Þessi stóri hópur barna var í jólaskapi, skemmti sér vel og var til fyrirmyndar.

Sýning nemenda í myndlistarvali Lágafellsskóla og Varmárskóla *Í fótspor listamanna* var opnuð 15. des. Nemendur höfðu endurmálað ýmis verk meistara listasögunnar.

Ragnheiður Ríkhardsdóttir bæjarstjóri flutti ávarp við opnunina Sýningin stóð til 5. janúar.

Skólaskrifstofa Mosfellsbæjar hélt fundi og stóð fyrir tveimur fræðslukvöldum fyrir foreldra leikskólubarna og hélt einnig fræðslukvöld í salnum tengd leikskólum bæjarins Félagsráðgjafi hélt sjálfstyrkingarnámskeið í Listasal fyrir drengi á fimmtudögum á haustönn.

Haldinn var tveggja daga fundur vinabæja Mosfellsbæjar sbr. kafla um vinabæjamál.

Annað:

Á árinu var tekin ákvörðun um að Listasalurinn skyldi ekki notaður fyrir viðburði lokaða almenningi á afgreiðslutíma Bókasafnsins

Nú hafa verið samdar ítarlegar umgengnisreglur um Listasalinn og umsóknarblöð sem unnið verður eftir í framtíðinni.

Vinabæjasamstarf Mosfellsbæjar

Um árabíl hefur umsjón með vinabæjasamstarfi bæjarins verið á herðum bókasafnsins. Helga Jónsdóttir hefur verið verkefnisstjóri þessa málaflokks og unnið með Félagsmiðstöð og Norræna félaginu að framkvæmdum með fulltingi Björns Þráins Þórðarsonar sviðsstjóra. Starfið hefur verið hefðbundið að mestu.

Á árinu 2006 hófst starfið þannig, að í janúar voru send bréf til allra nemenda í 8. bekkjum Varmárskóla og Lágafellsskóla og þeim og fjölskyldum þeirra boðið að taka þátt í Unglingaverkefni vinabæjanna með því að hýsa einn ungling í 2 vikur eða svo. Átta unglingar koma frá fjórum vinabæjum og jafnmarga gestgjafa vantar árlega. Átta gestgjöfum ársins 2005 var boðið að fara til hinna vinabæjanna sumarið 2006, að taka þátt í verkefninu þar. Sex melduðu sig, og varð niðurstaðan sú að enginn þátttakandi sótti um að fara til Loimaa og var því ekki farið til Finnlands.

Verkefnið stóð yfir í júníbyrjun, og í lokin voru allir ánægðir með niðurstöður, bæði gestgjafar, gestir og utanfarar okkar.

Vinabæjamót í Thisted

Vinabæjamót var haldið í Thisted dagana 8.-9. júní 2006.

30 þátttakendur fóru frá Mosfellsbæ, og er það metþátttaka frá upphafi. Þetta voru fimm pólitískir fulltrúar, þar með talinn bæjarstjóri, sex embættismenn bæjarins, einn fulltrúi norræna félagsins, 12 unglingar og hópstjóri þeirra auk maka þátttakenda.

Dagskrá mótsins var hefðbundin: Mótssetning, vinna í þemahópum fyrsta daginn og Norrænt hátíðarkvöld um kvöldið. Annan daginn var áfram starfað í þemahópum og vinabæjanefndir og tengt fólk fundaði. Eftir hádegi var farið í skoðunarferð með nesti og mótinu var svo slitið síðdegis. Um kvöldið var óformleg sammenkomst fyrir þá sem ekki voru farnir heim og vildu hittast.

Sex vinnuhópar störfuðu: 1. Skipulagsmál og ný höfn í Thisted, 2. Húsnæðismál aldraðra, 3-4. Kennslumál og leikskólamál, 5. Félagsmál, fíkniefnaneytendur, 6. Norræna félagið, 7. Pólitískur hópur.

Starfið fólst í því að hlusta á framsöguræður og ræða svo sameiginleg mál. Farið var í vettvangsferðir í tengslum við þemu.

Unglingarnir og fararstjóri þeirra tóku þátt í sérstöku verkefni og skoðunarferðum.

Krakkarnir stóðu sig frábærlega, voru kurteisir, áhugasamir og félagslyndir og skilufu sínu verki vel. Í heildina voru þátttakendur ánægðir með mótið og skipulag þess.

Haustfundur í Mosfellsbæ

Árlegur vinnufundur var að þessu sinni haldinn í Mosfellsbæ, 7.-8. september 2006.

Þátttakendur voru um 20 talsins, en einnig sátu fundinn hluta úr degi bæjarstjóri og tveir fulltrúar úr menningarmálanefnd. Með þessum fundi hefur Mosfellsbær tekið við stjórn vinabæjamála næstu 2 árin. Veigamesta hlutverkið er að skipuleggja vinabæjamót hér í bæ snemmsumars 2008. Ákveðið var að mótið skyldi haldið dagana 12.-13. júní.

Dagskrá fundarins var með hefðbundnu sniði.

Rætt var um nýafstaðið mót í Thisted og í framhaldi af því um væntanlegt mót í Mosfellsbæ. Tillögur komu fram um þemahópa og voru ræddar nokkuð. Það er svo í höndum okkar að leggja fram mótaðar hugmyndir um hópa á næsta vinnufundi sem verður í Skien haustið 2007.

Þá var rætt um unglिंगaverkefni sumarsins 2006, sem hafði gengið mjög vel alls staðar. Í kjölfarið á því var umræða um breytingar á unglिंगaverkefninu, eða öllu heldur nýtt unglिंगaverkefni, sem rætt hafði verið á vinabæjamótinu í Thisted fyrr á árinu. Eftir miklar umræður var þó ákveðið að fresta breytingum, og voru þá teknar ákvarðanir um framkvæmd unglिंगaverkefnisins eins og verið hefur. Veigamikil breyting er þó, að unglिंगunum eru ekki lengur greidd laun heldur fá þau ferðina að fullu greidda af bæjaryfirvöldum á hverjum stað.

Eftir að fundi var slitið var ekið af stað í skoðunarferð að Hrísbú þar sem Davide Zori fornleifafræðingur slóst í förina, síðan að Gljúfrasteini þar sem safnið var skoðað og þaðan í Valhöll þar sem boðið var upp á kaffi og með því. Ekin var Nesjavallaleið til baka.

Mosfellsbær í apríl 2006

Marta Hildur Richter forstöðumaður

Bókasafni Mosfellsbæjar